

貴州通志

貴州通志

貴州通志卷之四十三

藝文

文議說

文

明

瘞旅文

王守仁

維正德四年秋月三日有吏目云自京來者不知其姓名携一子一僕將之任過龍場投宿土苗家予從籬落間望見之陰雨昏黑欲就問訊北來事不果明早遣人覘之已行矣薄午有人自蜈蚣坡來云一老人死坡下傍兩人哭之哀予曰此必吏



目死矣傷或薄暮復有人來云坡下死者二人傍  
一人坐哭詢其狀則其子父死矣明日復有人來  
云見坡下積尸三焉則其美父死矣嗚呼傷哉念  
其暴骨無主將二童子持香楮在墓之二童子有  
難色予曰嘻吾與爾猶然也二童子聞然涕下請  
往就其傍山麓爲三坎埋之又以隻鷄飯三盂嗟  
吁涕洟而告之曰嗚呼傷哉繫何人繫何人吾龍  
場驛丞餘姚王守仁也吾與爾皆中土之產吾不  
知爾郡邑爾烏乎來爲茲山之鬼乎古者重去其  
鄉遊宦不踰千里吾以竄逐而來此宜也爾亦何  
辜乎聞爾官吏目耳俸不能五斗爾率妻子躬耕

可也胡爲乎以五斗而易爾七尺之軀又不足  
而益以爾子與僕乎嗚呼傷哉爾誠戀茲五斗而  
來則宜欣然就道胡爲乎吾昨望見爾容蹙然蓋  
不勝其憂者夫衝霄霧露攀援崖壁行萬峯之頂  
饑渴勞頓筋骨疲憊而又瘴癘侵其外憂鬱攻其  
內其能以無死乎吾固知爾之必死而不謂若是  
其速又不謂爾子爾僕亦遽然奄忽也皆爾自取  
謂之何哉吾念爾三骨之無依而來瘞爾乃使吾  
有無窮之愴也嗚呼傷哉縱不爾瘞幽崖之狐成  
羣陰壑之虺如車輪亦必能葬爾於腹不致久暴  
露爾爾既已無知然吾何能爲心乎自吾去父母

鄉國而來此三年矣歷瘴毒而苟能自全以吾未嘗一日之戚戚也今悲傷若此是吾爲爾者重而自爲者輕也吾不宜復爲爾悲矣吾爲爾歌爾聽之歌曰遠峯際天兮鳥飛不通遊子懷鄉兮莫知西東莫知西東兮維天則同異域殊方兮環海之中達觀隨寓兮莫必予宮魂兮魄兮無悲以恫又歌以慰之曰與爾皆鄉土之離兮蠻之人言語不相知兮性命不可期吾苟死於茲兮率爾子僕來從予兮吾與爾遨以嬉兮驟紫彪而乘文螭兮登望故鄉而嗟唏兮吾苟獲生歸兮爾子爾僕尙爾隨兮道旁之塚累累兮多中土之流離兮相與呼

嘯而徘徊兮餐風飲露無爾饑兮朝友麋鹿暮猿  
與栖兮爾安爾居兮無爲厲於茲墟兮

討播誓師文

李化龍

蓋聞春秋之義人臣無將漢法所誅大逆不道逆  
賊楊應龍者本以夷種世厠漢官被我冠裳守彼  
爵土輒敢忘天朝豢養之恩恣鬼國兇殘之性初  
但殃及骨肉繼乃禍遍蒸黎嬰兒孕婦旣被誅戮  
殺將屠城以爲常事虐焰燔乎五司七姓淫毒漸  
於九溪三巴天地不容神人共憤皇上痛兆人之  
失所杜列辟之效尤遂伐暴以安民乃興師而問  
罪化龍等共以職守咸在戎行義當戡亂成平勢

須分猷共濟蓋必三省之內文武將吏以及四海之中漢土官兵堅除兇雪耻之圖奮發力同心之誼庶幾共獎王室乃可必得罪人茲將鞠義旅以徂征敢用對明神而作誓且惟忠可以報主惟公可以服人惟至死不貳可以徇國家之急惟精白無欺可以樹掀揭之勲凡在行間請事斯語如其無二乃心古勳王事神亦陰爲庇相俾享成功若督撫鎮道副叅遊守府縣衛所大小文武等官有懷奸飾詐罔上行私乾沒軍資枉殘民命如人則以功爲罪也刑則以罪爲功或假公事以報私仇或因小嫌一而妨大事或以是爲非以非爲是任一



已之見而失三

卑之心或當進不進當退不援命

一時之生而戕

萬民之命或懷忠不盡退有後言

或臨事避難轉

生枝節或賞罰功罪之不明或南

北漢土之異視

或持兩端而窺利或枉三尺以徇

情或造疑似影

譽之說以傾人或挾機械變詐之

術以利已有一

於此斯即為負國負國之人其名

為賊神明極之

死不旋踵逮及闔門永絕其嗣矣

神聰明正直不

偏而平一者也有人負國而不知

聰明謂何有人

負國而不誅正直謂何有人負國

而不知誅之不

偏與平之謂何夫神護國佑民以

食其報者也神

不明則士不奮士不奮則賊不滅

賊不滅則民不安民不安則凶年疫癘於神亦有不利焉敢盡布之明神惟明神其圖利之祭張監軍文

嗚呼鄙諺有之人死留名誠得死所雖死亦生惟公誕河山之粹氣毓燕趙之精英負黃每悲歌慷慨臨事輒憤惋不平當其守山海備蘭州蓋嘗九泥封關稱北門之鎖鑰亦嘗鳴劍抵掌絕大漠以橫行既逆酋之發難遂杖策而西征扣門數語肝胆立傾語時事撫心動色恨籲九閻之無路談叛逆嚼齧立髮願捐七尺以相從遂戎服而蹈重關之險乃匹馬而監却月之營信明天日威肅雷霆

盟之若欲以風聲而避

之者簞食壺漿以迎

抵賊壘獨主齊盟時投袂而作三軍之氣時揮戈而蹈九地之攻義形於色卽狄怒羣猜其奚恤威加於敵遠示德而輸以功成蓋聞初五之戰公獨搖旗動鼓與賊相持者終日初六之入公則勺水不下卒士勞形而敵精蓋功以此立病以此成者與楚夫公之死非一端矣當機可乘而輒失盟屢叛而無功甘養虎而遺患誰築舍而反耕縮胸者爲賊所愚至不以一矢相加遺庸懦者縱恣剽掠等三只若一髮之輕卽走卒爲之氣塞何況受命而盟國之兵又况乎三月之間山嵐水瘴之與居

困若饑渴之柏仍公之死勞非憤耶憂耶鬱耶不  
然請爲乎以飄飄凌雲之氣不數月而失藏山之  
壑咽隣笛之聲嗟乎公則死矣赤膽忠心之士竟  
與山京之道遠同命世之庸庸碌碌何限往往飽  
富貴而享功名顧廉頗相如其人死矣千載之下  
猶有生氣曹叅李志奄奄如泉下人何足爲生憶  
當五月望後義師漸老余且脂車秣馬欲馳入柳  
營而親取衡命者之首乃以家訃而不果於行獨  
洒泣而草檄誓一死以激羣情卽大衆不無感動  
公獨拊膺頓足矢諸天日而遂以一日克萬仞之  
城然則公之死半爲國半爲我也余亦何心而不

掩泣返袂涕洟瀾而淚縱橫臨風三奠茹哀數語  
益半以紀公殉國之績而半以洩吾不平之嗚嗚  
呼哀哉  
祭房張二將文  
李化龍

嗚呼二將軍之死也經歲於今矣人亦有言死有  
重於泰山有輕於鴻毛如二將軍之死輕耶重耶  
夫逆賊應龍淫怒以逞荼毒生靈原野厭人之肉  
川谷流人之血既有年於今矣人臣無將將則  
誅封疆之臣滅此朝食豈俟問哉乃數年來未有  
顯言誅之者何也懦者以私婪者以賄苟就一時  
之利而不顧國家久遠之害晚近庸臣大抵然耳

蓋顯言誅之自房將軍始將軍提一旅捍孤城豈  
足以當播州之全師顧義氣所激直欲捽逆賊而  
平吞之恩重身輕威尊命賤所從來矣迨逆賊捲  
土而來相與從事於顏行將軍不阻不懼擁孤軍  
以抗強敵又得謀勇俱足如張將軍其人者左右  
其間一戰東溪再戰四壩奮臂一呼萬夫碎易斬  
將搴旗潰圍陷陣何其壯也終以力盡援絕鼓衰  
士散竟至以身殉城然其英風義烈猶足吐懦夫  
之氣激壯士之肝亦已奇矣且自二將軍死後賊  
負不可赦之罪人豎必誅賊之心九伐方張四征  
伊始此非賊能死二將軍乃二將軍能滅賊也假

令守碁江者非有磊磊落落如二將軍必且與賊  
通必且爲賊諱養其鱗甲長其羽翼突而鵲起庶  
捲川巴李特王建前事不遠卽不然殺人者可以  
不死無君者可以自全將使人懷問鼎之心戶比  
齒馬之跡僭擬成風綱常掃地不及十年人其戎  
矣瓦解陸沉豈足爲喻蓋二將軍死非獨以存蜀  
是天下理亂得失之關也卽謂之重於泰山是耶  
非耶嗟乎人誰無死以法死以賄死以寒病不可  
汗五日死以飲酒御婦人死等死耳要以生無榮  
名死無令聞縱使百千萬劫只如未生甚且遺之  
臭耳則其死輕也二將軍死旣聞天子嘉其義烈





議

明

議處銅苗事宜

謝東山

貴州之患惟苗為劇然所以處之訖無定論者蓋  
 度而易言之過也夫自古馭夷之道有三懷柔謂  
 之撫奉命與師謂之征審其順逆而創艾之謂之  
 撲滅然自古用兵未有不得志於蠻夷者豈中國  
 之力不足以勝之哉勢不便也故征未可易言也  
 夫撫之於馭夷也猶日用飲食何可緩也顧吳輿  
 者苟以慎重為名又不免於養寇而階亂是撫亦  
 不可獨恃也所以代征而佐撫者有撲滅之法焉